

高上神霄玉清真王紫書大法卷之十一

神府祈雨秘法

凡祈雨築壇時不得僧尼婦人孝子雜穢
層殺之輩遊築壇夫力亦令素飯尤佳如
要疾速感應須從州守禁戢城郭內不
得鳴鐘鼓鏡鈸三日其兩立降又夜半時
發符須用錢馬酒果祭發雷神祝祭之意

關天門

凡行用時法師須著皂衣披髮肩皂旗含
淨水面東北一嘆叱一聲念關天門呪曰

萬神助雲天丁助力鬼涉江湖為吾保日三
將換宮諸神急出天地果粟日月旻旻流星
趕退群魔真見吾文直日急急如上帝律令

右用左手亥訣念七遍將皂旗向天門搖
動擺撼立下劍尖劃地噴酒七噴次結天
門印直上朝天門吹一聲然後念關天門
呪要風雨上可各念七遍

與雲布雨報應例

春雷寅卯中宮起 夏雷震巽巳午間
秋時申酉歸元位 冬從亥子到頭攀

四季起雲與布雨 辰戌丑未起天關

此乃訣也並登明起符

與雲布雨符



呪曰

五方五帝五龍之君上方行令布雨與雲天
魔李靖地魔楊柳五丁都部天元應龍同共
行雲急急如上帝律令

春行雲神何元明 布雨神劉元達

雷神天漢明 電母徐懷娘

夏行雲神宋元用 布雨神張元伯

雷神天智明 電母金頭娘

行雲神楊元濤 布雨神馮夷

雷神天御明 電母江顏娘

冬行雲神元祥明 布雨神唐元明

雷神天濤明 電母積毒娘

四季行雲神辜成明布雨神水波利

雷神天府明 電母懷害娘

凡祈雨須依科式發文字然後入靖布神
功在志心明合天地獲時報應天道非遙
昭昭有驗矣

倒海符



右符用生鐵打板長一尺九寸厚三寸三
分濶七寸二道符內取次朱書一道或兩
面書投河源有龍所在如無龍處須畫一
龍先沉水中良久投符依法步罡行持少
頃大雨立至矣


遣符呪


六丁六甲五雷將吏風伯雨師雷部聖眾又
愆兩澤願賜救護天符一到普濟焦枯急急
如上帝律令

右指五雷訣誦四十九遍投其符使雨立

至

鎮海符





呪曰

五帝雷公四聖風伯三光星斗二龍同格一元其皇九出雲悉我是風伯奉命帝勅急急如火光雷師勅

右指辰文想三景三台出雨雷師火光驅龍行雨誦八十一遍投之立應

九龍符

法曰如久旱於流水龍潭處左手辰文右手執筆想本師在前祖師在後以筆於水書九龍符一道用後呪寫之



呪曰

東方龍君南方龍君西方龍君北方龍君吾奉上帝勅命佐天行化救度群生今來某處九星金火相尅某今書篆符錄攝召雲龍速逞威靈使雨澤霑足立甦苗稻吐穗結實保

歲元亨急急如上帝律令

右指辰文誦呪四十九遍書符三次立應

呪曰

玄天蕩蕩玄元靈清清靈妙運安鎮年齡元始開真正道流明營天勅地十天駭驚神功

攝召萬魔東形周蓋四象風火敢停威震六天野道不生玄符勅到役使剛兵收斬妖魔邪鬼盡傾流金激電風火推明急急如律令

勅版二十四通呪

上帝符命摧滅十方天地奉勅策召神王三界司命莫得來刑九土真官以某合并遊山涉海山神水帝皆來送迎傳告五帝保某年齡諸天列宿自來輔榮急急如律令

投下二十四通呪

太上碧津三炁生流液元天三五靈五炁化神河珠丹涌出天罡耀四維玄靈九炁月水飛二十四神各有威力炁所示鬱栽嵬三盟所攝鎮九微靈生逐水自開機營神保炁防外非歷劫常存常追思急急如律令

第二十四通呪

玄映流耀五方神公策山之摧策水之竭策龍火滅策神神尊策鬼鬼裂策妖妖亡四維十方萬靈保當佩策之後任遍十常形神鎮守萬劫無傷急急如律令


投符驅丁甲呪

上帝有命受任禹經急召天丁召丁言丁召甲言甲速逞威靈來赴壇所部領天丁吾今指陳立便降墜急急如上清玄都律令

右法陽日驅六甲用陽斗陰日驅六丁用陰斗禹步為之次收呪曰

陽斗

元元靈靈降召已明所陳既畢復歸本與復召如故速降威靈急急如上清玄都律令




步斗呪

白炁混沌灌我形禹步相催登陽明天回地轉步七星躡罡履斗齊九靈眾神助我斬邪精一切邪魔皆滅形萬災消散我長生我得

長生朝上清急急如上帝律令勒

陰斗



右取罡炁陽日左手本師訣自陽出陰斗陰日自陰斗向陽斗

祈雨投龍簡式

凡祈雨須擇潭洞靈跡聖地投符起龍用法中鐵符書于鐵版潭洞前先步九迹至九位龍跡罡百發百中從一交脚至九勒水投簡立有風雨至矣

祈雨壇召四角大神呪

金闕降聖玉帝上符受太上乾坤炁告天法象救護群生衛靈之神將防禦之龍神疾速赴行急急如上清律令

投四角大神呪

召四方之天丁天丁之力士疾速與吾降靈速速照照降降急急如上清律令
右用本師訣

送四角大神呪

冥冥天丁雷部之神告君已畢受吾叮嚀却歸本所後召降靈急急如上清律令

右法玉皇印

召龍符



致雨符



呪曰

六丁六甲雷電降陰縛龍將軍扶桑真君符命到處萬神從行急急如
高上神霄玉清真王律令

右法指辰文取巽炁念呪書符

致雨符語文

高上神霄真王勅命上帝元首救護群生雷

部統兵霹靂將吏六丁六甲上元太一召龍行雨普濟焦枯一如告命大急奉行

太歲 年月 朔 日 時告下

具位 臣姓某承諾奉行

依法存神步斗篆符書語投入水中立應

收雨祈晴呪

太一元君會聚風雨膏澤已足苗稼如生今日大吉永保利貞急急如上清律令

右法指三指根思本師拔頭髮誦呪一百二十遍霖雨立至

祭雷

凡祭雷一年十二月內須擇六丙日乃雷會之日預前三日齋戒嚴潔著新淨衣入靖焚香啓告

祖師奏申天省備牒雷部官東本屬城隍

社令壇靖土地成祈證應次伸啓請

上聖師真雷霆將吏雷師皓翁雷公電母

風伯雨師神君欽火大仙蒼牙猛吏雷令

天神震威大神雷車雷火神君雷部判官

雷光使者執幢童子直印紫光童子五方

五雷神兵當司神將五雷使者六甲將軍
六丁符使龍王部眾江河使者行風布雨
吐霧興雲雷神城隍社令直日功曹直壇
土地等神普賜降臨同時祭獻羅列供物
三奠酒禱祝白意伏乞降靈護助行持為
國救民祈禱第十一兩賜願感應不闕玄風祭
畢化錢凡祭雷神切須志誠向後凡有祈
禱無不感應也

五雷訣

天雷訣兩手掐寅五指俱藏於甲○神雷訣
二指三指弓大指指定子四指五指壓定大
指○斗雷訣大斗訣是也○龍雷訣二指三
指四指弓大指弓指定亥五指指定大指藏
甲○水雷訣二指弓大指指定丑三指四指五
指指定大指○妖雷訣二三四指弓大指指
定並不見甲是名社令雷也

神霄攝召大法儀式

法曰未攝召之前先於九日前祭之用參
苓湯清酒淨果臘茶多燒本形符祝於殿
日攝召事云燒錢馬等於攝召日先於淨

地立攝靈之幡用青幡一首長九尺濶九
寸安攝召畢同紙燒之

總召功曹呪

神霄玉清王今日勅下降自九霄命神召神
攝掌功曹王文敷告依應天條吾行真籙逐
我參調急急如高上神霄玉清真王律令

謹請神霄某道功曹主者急赴壇所

右法指辰文先想真形書符燒反念呪哭
無吹病人入境自報吞之百日其應如響

召天道功曹符



天道功曹蔣光輔一
百二十人

呪曰

九天之勅大道祖君造象吳境三十二清奉
命隨法入上玄真

右法於香爐內燒召祝之用牒差功曹請
命天道合降真靈牒書齋意再用符一道
同燒之此功曹上知天宮紫府秘禁日月
交蝕星辰盈闕風雨吉祥掌管神府天道

災變欲問召攝皆得知之

召地道功曹符



地道功曹劉昱一百
二十人

呪曰

洞玄品品壘壘化形五陽微應十極幽冥天
符成象地道達靈

右法於香爐內燒召祝之用牒差功曹請
命地道牒書齋意再用符一道同燒之此

功曹掌九壘水土禾苗虫蝗水滂風害塚
穴伏藏寶珍古壇泉窟欲問召攝之事皆
得知之

召人道功曹符



人道功曹周正陽一
百二十人

呪曰

六合成品三一化生共成周體送正元根道
力一降萬成一靈

右法於香爐內燒召祝之用牒功曹請命人
道牒書齋意再用符一道同燒之此功
曹管人間善惡貧富奸害逆孝生死吉凶
壽祿病患常在人間欲問召攝皆得知之

召仙道功曹符



仙道功曹孟安一百二十人

呪曰

主宰職權分別上仙諸真判運八極成筌上天保攝共得為先

右法於香爐內燒召祝之用牒差功曹請命仙道牒書齋意再用符一道同燒之此功曹掌天仙神仙飛仙鬼仙真仙洞府所居仙真姓名數目欲問攝召皆得知之

召神道功曹符



神道功曹高里德一百二十人

呪曰

上元八極運化天光三元五運八極九祥造化萬變結聚成章

右法於香爐內燒召祝之用牒差功曹請命神道牒書齋意再用符一道同燒之此功曹掌天地神祇五嶽鬼神九州社今天下城隍一切正神姓名高下數目欲問攝召皆得知之

召鬼道功曹符



鬼道功曹郭大有一百二十人

呪曰

冥陰極類陰結成真果章九有通發九形一數成七為達金真

右法於香爐內燒召祝之用牒差功曹請命鬼道牒書齋意再用符一道同燒之此功曹掌三界鬼效精魁六洞九宮邪魂名字數目鬼營二十八治欲問召攝皆得知之

召業道功曹符




業道功曹張道一百二十人

呪曰

正化品格周流十方道德慈善普濟業行真先符命永得利昌

右法於香爐內燒召祝之用牒差功曹請命業道牒書齋意再用符一道同燒之此功曹掌真仙士民百姓功過善惡正定業緣宿契冤債生死欲問召攝皆得知之

召五道功曹符



五道功曹李正光一百二十人

呪曰

四生五道十類有情萬化若所一切成章先天一攝符命得昌

右法於香爐內燒召祝之用牒差功曹請命五道牒書齋意再用符一道同燒之此功曹能知五道四生孤魂滯魄

總召功曹呪

玄曹王文立功之官主治王清奏報三天上帝有勅速下神光謹請某功曹主者依律奉行急急如高上神霄玉清真王律令

右法掐辰文取巽炁召之

第十一

十五

齋

新邪功曹一百二十人

齋

追捉功曹一百二十人

齋

縛送功曹一百二十人

齋

定名功曹一百二十人

齋

玉曆功曹一百二十人

已上功曹並包巾緋衣大袖皂綠帶書符召之每日直壇勾兵馬從各有主職或上章表勘會仙籍追捉邪祟治病斬邪皆可用之

功曹引式

高上神霄玉清王府門下行司

當司今為某事今召治病功曹一百二十人火急前去某處救治某人所患限幾日如何施行

謹勅治病功曹奉

九天扁鵲官吏天醫神仙尚藥童子神應保玄丹芝療病玉晶延年百病急除萬病莫干傳尸鬼債邪尸伏連忤注速滅病者安然神霄勅注百脉得痊急急如律令

太歲 年 月 日 時奉

神霄律令差行

具位 姓某 押

又式

高上神霄玉清王府門下行司

當司今為某事今召斬邪功曹一百二十

人火急前去某處救治某人所患限幾日如何施行

謹勅斬邪功曹承奉

九霄太一兵吏王府神君主煞使者斷邪將軍手仗神鋒誅斬不停逢鬼寸斬遇祟除蹤千千截首萬萬剪形天魔地怪速化為塵普告魍魎不得違命神刀一下萬鬼潛墜急急如律令

太歲 年 月 日 時奉

神霄律令差行

具位 姓某 押

又式

高上神霄玉清王府門下行司

當司今為某事今召追捉功曹一百二十人火急前去某處救治某人所患限幾日如何施行

謹勅追捉功曹承奉

九清追捉八方邪鬼四冥功曹上升天界下入幽冥邪鬼潛穴急捉付身山川河海急逮付身不令走透救護生身急急如律令

太歲 年 月 日 時奉

神霄律令差行

具位 姓 某 押

又式

高上神霄玉清王府門下行司

雷司今為某事令召縛逆功曹一百二十

人火急前去某處救治某人所患限幾日

如何施行

謹勅縛逆功曹承奉

九真上達神府縛索龍巾遣送神龍長天廣

地生追付神府縛邪擒鬼上達天獄弔手執


足不得停若急急如律令

太歲 年 月 日 時奉

神霄律令差行

具位 姓 某 押


結界行持斗罡



步斗行雷天地相合雷鼓將軍叱炁噴火吞

魔食鬼手執鐵索泛泛惡鬼空中自縛不正
家殤鉗入火鑊敢有小鬼現形戲謔犯吾斗
罡萬邪頭落急急如律令

追魂攝魄降靈符



呪曰

九九成數造化先天五行運轉一切有生大

道所養萬物俱全急急如

高上神霄玉清真王律令

右法書此符於攝召幡上用白幡長三尺

三寸一邊書亡人姓名次法師執魂幡香

爐內燒送魂攝魄降靈符一道其幡漸重

至亡位供養處即見現形矣

催現呪

追魂攝魄速降靈幡斗精蓋玄武開闢朱

雀守衛青龍化轉白虎見狀萬神安全靈儀

一到速現目前急急如

高上神霄玉清真王律令

右法指辰文取巽炁吹筆用前法未現當
念此呪催之即立現形也

神霄拔度幽魂符勅筆呪

玉清有命普拔幽魂天光一照罪源蕩清急

急如高上神霄玉清真王天尊律令勅

散形

元始符命 普告三界 風澤
總炁上元 歷開諸天 洞虛


萬炁 元洞玉曆 九象幽爽
齊仙 死魂交生 斬絕地根

迴難起死 三官九署 扶出地戶
時刻升遷 落滅惡根 九祖升仙

急急如靈寶天尊
無量度人律令



聚形




呪曰

玉清符命普拔幽魂天光一照罪業消水急

急如高上神霄玉清真王律令

又符



勅符呪


幽魂多悲苦當思神霄君王玉清真金符煥赫
破泉高釋汝解幽閉拔度出沉淪上升刀利
天煉化登丹庭急急如
高上神霄玉清真王天尊律令

神霄破地獄符勅筆呪

玉清天尊告下玉清元始勅命火急奉行九
幽冥府鄧都大神名山考校水府職庭十方
合屬一切有形亡魂罪犯天命赦行急急奉
高上神霄玉清真王天尊律令

右法插辰文取巽炁吹筆書

散形



不隨 金剛折摧 火賢化池


冥冷溫和 火車息焰 銅柱摧毀

普掠無施 鑊湯罷吹 屠割停推

元始有勅 魂離靈位 有罪
符到速進 魄出鐵圍 無罪

急赦無違三界

侍衛萬神敬依



勅符呪

神霄玉清照破幽高寒泉苦爽重泉咸傾鄧
都神王符召皆停獄主平吏宣奉天靈真經
道化摧毀地關靈光宣告遊精易形靈光一
照神霄攝魂承天光下普度幽靈玉清宸命
摧破不停開高天將奉命太皇開明速形萬
鬼出形北帝真光照徹幽冥幽魂幽魂齊得
光明玉清符誥勅下三官九府四司五嶽九
幽六洞十官泉曲之府鄧都主者維今符命
普釋亡魂出離地獄急急如律令

總勅二符呪

神霄符命勅下九幽諸天卒吏符到奉行一
切罪魂赦之生天急急如

高上神霄玉清真王天尊律令

右二符上帝訣勅先取神霄炁吹之勅呪

並同天門炁吹之

法曰凡告二符先於三寶前跪奏宣告符
命畢當關神霄地道功曹齋持前去或詣
五嶽名山羅鄧北府泉冥水府廣行宣告
取索亡人以此二符之功也


王清三天君上元玉簡真符



三炁 明炁 德會萬祖
勅煙 四寤 幽魂苦爽
運應滅度身經太陰 罪福禁戒宿命
記日鍊度便得神仙 因緣普受開度

死魂生身身得

交生上聞諸天



勅呪

太乙尊神務獲收真炁

太乙保命固神定生為我上招王真之炁下

布紫戶之庭王經仰徽泥丸明明七祖同權

俱升上清惟願身入無形

簡文

三十一

三十一

三天白簡王清王符告聞高上之天左右獄
卒案據尊神天獄主者拔度未消滅大罪塞
遏邪源形神升度謁帝天關福智自生發侍
龍轉遙遙無碍真道長存一如告命風火驛
傳。

太歲 年 日簡於道場吉時告下

右簡以栢木造長七寸濶四寸厚三分質

薦升度古代帝后用之如超度亡魂自有

告文別載

九天內音寶誥中元金書丹篆



勅符呪

帝君逢陵梵真炁

帝君度符籍正炁招萬神上招玉真炁充布

兩眉間混元生帝景三素成我仙醮餐乘飛

蓋徑升高上軒惟願道炁長存

簡文

三十一

三十一

上帝符命宣告三官天牢地獄主司大神拔

度古代將相大臣九功七德賢士靈魂咸領

符命部銜形魂上朝帝庭罪仇和釋冤債況

沒與道合并神登玉闕受鍊長存一如告命

風火驛傳

太歲 年 月 日簡於道場吉時告下


右簡以栢木造長九寸九分濶三寸九分

厚三分簡文作五行書超度古代將相九

功七德賢士大夫如超亡魂有告文別載

斗中度命出離生死靈符

赤天命靈 三天赦宥 出離
度脫 斬根斷死東非煉形 三台
運律 天慈玉勅赦宥幽靈 炳耀
照徹 九幽陰翳 得轉五道



朱高 畫觀光明 風火無伴

超登天堂

得證仙真



勅符呪

左無英公子玄充收真炁

無英神真生紫皇三炁混合成官高招引真

炁鑲勝脫通流三田會洞房為我致仙變容

光飛升雲館入金堂惟願與道合真當

簡文

亦書王文上通紫庭天慈赦宥三界溟泠九

幽罪魂德曹萬祖苦爽遊精剷除罪錄落滅

惡根速赴生方炁識咸寧神登玉闕澄神煉

質真心洞明滂除陰翳得道升真一如告命

風火驛傳

太歲 年 月 日簡於道場吉時告下

右簡以栢木造長九寸九分濶三寸九分

厚三分簡文作五行書拔度民庶用之此


符能令止陰府長夜亡魂受度可升朱陵
度入南宮上士得之此符飛升金闕中士
得此真符上生青華下士得此真符飛度
煉魂得道登真永消惡趣或處世修真得
居於仙職者更得昇遷也

本治天堂玉簡真符

五文 普植神靈未度 疾除
關帝 三堂禍消九冥 罪簿

落滅 上無復色 死魂交煉
惡報 總然上元 仙化成人

身度我界 傾光地層 神識網明
體入自然 監真度生 身兼紫雲



勅符呪

右白元洞陽君鬱靈標真炁
洞陽鬱靈魂生金光耀耀炁中精招真固神
令長生按出地戶根返胎嬰黍乘御炁上升
玉清惟願身飛上仙

簡文
高上玉簡三天符命上開八門三十六獄執
法治官遠詣帝軒解宥夙罪超度亡過若上
升高上玉闕之天復還治職炁入玄玄一如
告命風火驛傳


太歲 年月 日簡於道場吉時告下

玉清金簡真符

明苑玄素 陰陽炁成 大帝
開度單魂 火煉成人 陽光

號八 魂生攝炁 九開
靈君 九轉成仙 神道

天炁 六合 明道
歸身 百神 四輪



勅呪

中央司命丈人君理明初真炁
司命定年丈人保仙度名書南宮上奏帝君
前太一度靈符按度世業根福報無窮已皆

受玉京言惟願永得長生

簡文

玉清金簡神度符命告宣獄官司禁侍即執
罰典錄刑司開度亡過若煉魂澄神升入玄
闕則落罪書道備功圓上生九清高上之天
真境無為一如告命風火驛傳

太歲 年月 日簡於道場吉時告下

右簡栢木造長九寸九分濶三寸九分厚
三分簡文作五行書朱篆符拍辰文取神
霄炁冥方吹之


鍊度法

火煉法用卓子十八隻作一行排每一卓上
用香爐一箇烈火焚香自腦煉至命符一十
八道指玉清訣每道隨符念呪焚之於烈火
香爐內

水鍊法用水池九寸或九尺皆要九九之數
金石木碑皆可用之用水九數四角用香爐
烈火焚香翳霧罩水池法師祝文投煉身符
於內令齋主見所薦亡魂如未見再行用催
呪見如煉得不成人形或成畜類成從火煉

如煉成人形即隨齋法行用依式度法攝至
生天堂隨事行用也

煉身符



書頌呪曰

亡魂首相具體全人是男是女骸變通神

散形呪

神水瑤池流火朱陵玉晡鍊質黃華瀟形我
身上告十萬神兵飛騰玉府昇入帝庭急急
如高上神霄玉清真王律令

十干呪

六甲六天符應萌明六乙雙耀六丙八焚六
丁七晃戊巳中呈六庚三蒸六辛四升六壬
九炁六癸一成真王受命聚成一成金身九
訣水火變高急急如高上神霄真王律令

勅符呪

上元一真守固泥丸中元一真安神絳宮下
元一真守衛命門三元齊景保命長存招真

致炁升降自然變化鍊體骨化成仙毛羽飛
騰翱翔帝君息息如高上神霄真王律令
右法三呪取東南炁三口如法煉身吞符
同此更念都呪吞之

法師自煉身呪

天地造化結炁為人左眼為日右眼為月耳
鼻喉舌音聲上徹脾肝膽神常居五穴五行
分主係衛形軀甲乙丙丁戊巳庚辛壬癸神
將速衛速守急急如太上帝君律令

右法師本祖訣天門炁自服此符為煉身
之法

鍊身水清符呪

子丑寅卯辰巳午未申酉戌亥神君甲乙丙
丁戊巳庚辛壬癸神君十二真炁成十數全
系結變化五行降通灌十全攝真成承紫雲
速赴玉清關吾奉玉清勅速降元炁成

右指玉清訣

催見呪

天陽地陰五通成真道炁一變疾現真形吾
奉玉清勅速降元炁成

右指玉清訣

又一法鍊身符呪

甲乙丙丁却穢生神戊巳庚辛正炁聚形壬
癸生精復如真形元始符命上升朱陵急急
如律令

鍊度內祝白文

衆神集會各有司存鍊形清淨之法身度脫
苦幽之滯魄捨此有情有慾有漏之幻身達
茲無象無却無碍之玄門反爾精魂復歸淨
界死如不死滅除地獄之愆尤生即由生受
用人天之快樂

神霄無上黃籙真符延生寶誥

無上黃籙真符延生寶誥
今據 仰 奉

道弟子 未 投誠伏為自身本命 未 建生上屬

壯斗 未 星君注照言念受生以來至于今日
家俗世務寧免愆非三業六根豈無過咎欽

聞太上演盟真之寶籙寶誥預修之津梁是以
虔心皈投

大道願傳寶誥見世保命修行若當身謝唯

憑拔度謹按經云

玉清聖境大羅元始天尊昔在香林園內大福堂中為諸天仙聖三界主司演說生死因緣是時即有救苦真人上白天尊言臣親九幽地獄之內羅酆北府之中皆見十方救苦

天尊入於九幽拔度諸苦天尊普告四眾汝等若能按持金籙白簡九真妙戒長生靈符救苦真符當消九幽大罪標名九宮察命童子護戒威神五帝直符六官掾吏自當隨逐簡文覆護受戒弟子其預修冥福依科開是道場修設三界高真黃籙大醮拜請度師其籙法師某君傳授 無上盟真黃籙寶誥一階惟願受持之後為見世之津梁作過去之舟楫護身保命度厄消災不得泄慢聖文違稟奉行一如告命

天尊告白

一者克勤忠於君主二者敬讓孝養父母三者不殺慈救眾生四者不淫正身處物五者不盜推義損己六者不嗔无怒凌人七者不詐諂賊害善八者不驕傲忽至真

九者不二奉

上件戒言並是

元始天尊金口演說至心按持功德無邊救難濟苦神力難思伏聽勅命遵承奉行

太一保命延生呪

玄天大誥普濟群愚真符煥發列籍清都標名金籙宿霧咸除飛神碧落超登太无玄科律令

通靈延壽護身呪

元天上真雙景二去左抱七魄右拘三魂令

我神明與我長生太一真一寶章律令



上皇玉虛君呪

太一尊神務歆救真炁太一保命固神定生為我上招真之炁下布紫戶之庭玉經朗徹泥丸朗明七祖同權俱升上清惟願身入無形

上元玉簡真符



上帝玉帝君呪

帝君逢陵梵真炁帝君度符籍正炁招萬神上招玉真炁光布兩眉間混元生帝景三素成我仙飈餐乘飛董徑升高上軒惟願萬炁長存

九天內音寶誥




一皇紫晨君呪

左無英公子玄充叔真炁

無英神真生紫皇三炁混合成官商招引真
炁鎮勝脫通流三田會洞房為我致仙變容
光飛升雲館入金堂惟願與我合真常

斗中登真度命出離生死符




太微天帝君呪

右白元洞陽君鬱靈標真炁

洞陽鬱靈魂生金光耀耀炁中精招真固神
今長生拔出地戶根反胎嬰奉乘御炁升玉
清惟願身飛上仙

本治天堂玉簡真符



三元紫精君呪

中央司命丈人君理明初真炁
司命定年丈人保仙度命書南宮奏帝君前
太一度靈符拔出世業根福報無窮已皆受

玉經言惟願永得長生

玉清金簡



真符寶籙發生善根注福祿於青篇削罪名
於黑簿冤仇解釋萬罪蕩除永為生死之津
梁不隨輪迴之惡趣恭惟

元始符命時刻昇遷一如告命


太歲 年 月 日 大齋壇傳授

度師 小兆臣姓某誥行

四季投簡真符




右符立春甲寅日書之



右符立夏甲午日書之

右符立秋甲申日書之



右符立冬甲子日書之

簡內誥文

元始符命玉清真文告下諸天丞相南昌上
官度人之神長生大君司馬大神韓君丈人
南斗六司樞機省署太玄神庭嚴校三界無
極神鄉泉曲之府北都羅鄴三官九府十二
河源普度苦爽億萬幽魂疾除罪薄落滅惡
根不得拘留部衛形魂速滅三惡斬絕地根
飛度五尸太玄錄名諸魔保形度上南宮朱
陵受煉仙化成人永度三塗五苦八難超度
三界無拘天門五帝衛形逍遙上清元始符
命時刻升遷不得容隱萬神咸聽一如告命
太歲 年 月 日 時簡於齋壇告下

清靈寶誥

東方

練山 巽 坤 艮 坎

庚 巳

十一

十二

南方

丙 午 丁 未 坤 艮 震 巽

庚 酉 辛 戌 乾 兌 離 坎

西方

庚 申 辛 酉 乾 兌 離 坎

庚 戌 辛 亥 坤 艮 震 巽

北方

壬 子 癸 丑 艮 坎 震 巽

庚 寅 辛 卯 坤 艮 震 巽

中央

庚 辰 辛 巳 坤 艮 震 巽

右法並指辰文巽炁書遇設醮鎮壇用之

神霄真王簡篆天篆

神霄真王簡篆天篆 (Complex seal script characters)

高上神霄玉清王勅天地鬼神奉行律令

右篆成文三十道

神霄北斗玉簡真符

十一

十二

神霄北斗玉簡真符 (Complex seal script characters)

右符巽訣展炁吹之

神霄北斗玉簡去災真符

神霄北斗 簡去病真符 (Complex seal script characters)

神霄北斗 簡去病真符

神霄辟火真符 (Complex seal script characters)

神霄辟火真符

神霄辟火真符 (Large complex seal script characters)

高上神霄玉清真王紫書大法卷之十一

十一

十二